



REPUBLIKA E KOSOVËS / REPUBLIKA KOSOVA

GJYKATA THEMELORE PRIZREN - DEGA E GJYKATËS SUHAREKË

Numri i lëndës: 2018:064327

Datë: 15.11.2019

Numri i dokumentit: 00652712

P.nr. 437/2018

NË EMËR TË POPULLIT

GJYKATA THEMELORE PRIZREN – DEGA NË SUHAREKË, Gjyqtari Qemail Suka me Sek. Juridike Vjollca Bytyqi në lëndën penale PP.II.nr.2616-1/18 të datës 22.10.2018, ndaj të pandehurit H. F. nga fshati M. komuna Suharekë, për shkak të dyshimit të bazuar se ka kryer veprën penale shkelja e urdhrave mbrojtës nga neni 25 te Ligjit për mbrojtje nga dhuna familje i Kodit Penal, duke vendosur sipas aktakuzës të PTH në Prizren, në prezencën e P.TH. Musli Gashi dhe të akuzuarit, me datën 13.11.2019 morri, publikisht shpalli dhe me datë 15.11.2019 përpiloi këtë:

A K T G J Y K I M

I Akuzuari H. F. i lindur më, i biri i F. F. dhe nënës F. F. e gjinisë K., me vendbanim në fsh. M. komuna Suhareke, i martuar baba i 7 fëmijëve, ka te kryer shkollën e mesme i gjendjes së mesme ekonomike, me par i pa dënuar shqiptar shtetas i Republikës se Kosovës. me numër personal

ËSHTË FAJTOR

Sepse me datën 02.10.2018, rreth orës 18:00, ne fshatin M., Komuna Suhareke saktësisht ne shtëpinë e tyre familjare, shkel urdhrin mbrojtës te Gjykatës Themelore ne Prizren me numër Cnr. 1580/17, ku është lëshuar urdhër-mbrojtje për të dëmtuarën këtu M. F. me date 07.12.2017, qe te mos shqetësoj, ofendoj, përul, kërconte dëmtuarën bashkëshorten e tij M. F., ne atë mënyrë qe derisa u kthye ne shtëpi se bashku me vajzën e saj Alba me te cilën kishin qenë për të u ankuar tek avokati i popullit ne Prishtinë rreth shqetësimeve të vazhdueshme qe po ju sillte bashkëshorti i saj i pandehuri H. F., i cili pasi qe ishte kthyer në shtëpi duke i bërtitur e ka shqetësuar bashkëshorten e tij-te dëmtuarën M. dhe pas ka tentuar ta sulmoj fizikisht ku aty kishte ndërhyrë vajza e tyre A. e Cila nga frika e ka njoftuar Polici.

Me këtë veprim ka kryer veprën penale shkelja e urdhrave mbrojtës nga neni 25 te Ligjit për mbrojtje nga dhuna ne familje

Gjykata në kuptim të nenit 41, 43, 46, 51, 52, 73, 74, të KP-së, si dhe nenit 359 par. 1 dhe 2 dhe nenit 365 te KPP-së, i shqipton:

DENIM ME KUSHT

Duke ia caktuar dënimin me burgim prej 2 (dy) muajve burgim, i cili dënim nuk do te ekzekutohet në afatin e verifikimit prej një viti nëse i akuzuari nuk kryen vepra tjera penale.

Obligohet i akuzuari që në emër të kompensimit të viktimave të krimit të paguaj shumën prej 30 euro, si dhe paushallin gjyqësor në shumë prej 20 euro, të gjitha këto pas plotfuqishmërisë së këtij aktgjykimi.

Udhëzohet e dëmtuara: Mirdete F. nga fsh. M. Komuna Suhareke, që kërkesën pasurore-juridike, ta realizoj në kontest të rregullt civil.

A r s y e t i m

PTH. në Prizren me aktakuzën PP.II.nr.2616-1/18 të datës 22.10.2018, ndaj të pandehurit H. F. nga fshati M. komuna Suharekë, për shkak të dyshimit të bazuar se ka kryer veprën penale shkelja e urdhrave mbrojtës nga neni 25 të Ligjit për mbrojtje nga dhuna familje i Kodit Penal, duke vendosur sipas Aktakuzës të PTH në Prizren, aktakuzën të cilën gjate seancës gjyqësore e ka përfaqësuar PTH në Prizren Musli Gashi, i cili në tërësi ngel pranë të dhënave si në aktakuzë që i akuzuari të shpallet fajtor dhe të dënohet sipas ligjit.

Gjykata në shqyrtimin e sotëm dhe me vet pranimin nga ana e të akuzuarit ka vërtetuar këtë gjendje faktike si në dispozitiv të këtij aktgjykimi.

Këtë gjendje faktike gjykata e ka vërtetuar nga vet pranimi i të akuzuarit i cili në shqyrtimin gjyqësor e ka pranuar fajësinë.

Gjykata sipas detyrës zyrtare konform nenit 257 të KPP në shkresat e lëndës nuk ka gjetur ndonjë prove të pa pranueshme dhe po ashtu gjykata ka vërtetuar se i akuzuari, e ka kuptuar natyrën dhe pasojat e pranimit të fajësisë, pranimi i fajit nga ana e të akuzuarit, është bere vullnetarisht në shqyrtimin gjyqësor, pranimi është mbështetur në faktet e çështjes që përmban aktakuza, të cilat gjinden në shkresat e lëndës si dhe provat materiale të paraqitura ndaj të akuzuarit nga ana e PTH-se në Prizren.

Gjykata po ashtu në tërësi ka ardhur në përfundim se pranimi i fajësisë në shqyrtimin fillestar nga ana e të akuzuarit, është bërë në pajtim me dispozitat e nenit 248 të KPP-se, nga se nuk ekziston ndonjë nga arsyet dhe kushtet për hedhjen e aktakuzës, apo pushimin e procedurës penale.

Nga këto fakte të cilat i përmban aktakuza, Gjykata ka ardhur në përfundim se me veprimet e të akuzuarit formohen të gjitha elementet e veprës penale shkelja e urdhrave mbrojtës nga neni 25 të Ligjit për mbrojtje nga dhuna në familje, andaj Gjykata ka vendosur se i akuzuari është fajtor dhe i shqiptoi dënimin si në dispozitiv të këtij aktgjykimi.

Gjykata gjate marrjes së vendimit mbi dënimin ka vlerësuar të gjitha rrethanat në kuptim të nenit 73 të KP-se, të cilat ndikojnë në lartësinë e dënimit.

Gjykata si rrethane lehtësuese mori për bazë se i akuzuari ka pasur qëndrim korrekt ndaj gjykatës, ka pranua fajësinë në mënyrë vullnetare, duke u zotuar se në të ardhmen vepra të tilla apo të ngjashme penale nuk do të përsërit, kurse rrethana posaçërisht renduese nuk gjeti.

Vendimi mbi kërkesën pasurore juridike e mori në kuptim të nenit 463 të KPP-së.

Vendimi mbi shpenzimet e procedurës e mori në kuptim të nenit 452 par. 1 të KPP-së.

GJYKATA THEMELORE PRIZREN – DEGA NË SUHAREKË

Gj y q t a r i
Qemail Suka

KESHILLE JURIDIKE: Kundër këtij aktgjykimi pala e pakënaqur ka të drejtë ankese në afat prej 15 dite, nga dita e marrjes së të njëjtit, Gjykatës së Apelit në Prishtinë, përmes kësaj Gjykate.